



Broj predmeta: 13-001225/21
Broj akta: 01.1-1413EK-0121/22
Datum, 29.3.2022.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članom 25 Zakona o javnim nabavkama («Službeni glasnik BiH», broj 39/14), Izmjene zapisnika o pregledu i ocjeni ponuda sa preporukom Komisije za javne nabavke broj: 13-001225/21 od 18.3.2022. godine, i Mišljenja Pravobranilaštva Brčko distrikta BiH broj: M-1221/21-1 od 28.3.1022. godine, gradonačelnik Brčko distrikta BiH d o n o s i,

ODLUKU O IZMJENI I DOPUNI ODLUKE O IZBORU
NAJPOVOLJNIJIH PONUĐAČA

BROJ:13-001225/21, BROJ AKTA:01.1.1413EK-0042/21 OD 2.11.2021. GODINE

Član 1

(1) U čl. 1 u stavu (1) Odluke o izboru najpovoljnijih ponuđača po provedenom otvorenom postupku s međunarodnom objavom za nabavku namještaja za potrebe Vlade i institucija Brčko distrikta BiH – lotovi 1-21, briše se tekst koji se odnosi na dodjelu govora ponuđaču „Masterwood Simić“ d.o.o. Brčko za lotove 9 i 15 i čl. 1 u stavu (1) koja se odnosi na dodjelu ugovora najpovoljnijem ponuđaču „Akacija“ d.o.o. Brčko briše se tekst za dodjelu ugovora za lotove 11 i 18 i u tekstu koji se odnosi na dodjelu ugovora najpovoljnijem ponuđaču „Hafele BH“ d.o.o. Gračanica dodaje se sljedeći tekst:

„Lot 9 - Nabavka namještaja za potrebe Odjeljenja za javne poslove Vlade Brčko distrikta BiH

Vrijednost ugovora sa uračunatim PDV-om iznosi **3.907,80 KM.**

Lot 11 - Nabavka namještaja, katedri, i polica za biblioteku JU Desete osnovne škole Bijela

Vrijednost ugovora sa uračunatim PDV-om iznosi **3.843,45 KM.**

Lot 13 – Nabavka fotelje za potrebe JU Gimnazije „Vaso Pelagić“ Brčko distrikta BiH

Vrijednost ugovora sa uračunatim PDV-om iznosi **2.831,40 KM.“**

Odluka o izboru najpovoljnijih ponuđača za nabavku namještaja broj: 13-001225/21, broj akta 01.1.1413EK-0042/21 od 2.11.2021. godine za lotove 15 i 18 za potrebe Direkcije za finansije i Kancelarije za upravljanje javnom imovinom Brčko distrikta BiH se stavlja van snage.

Član 2

U čl. 3 Odluke o izboru najpovoljnijih ponuđača po provedenom otvorenom postupku s međunarodnom objavom za nabavku namještaja za potrebe Vlade i institucija Brčko distrikta BiH – lotovi 1-21, briše se tekst koji se odnosi na izvor finansiranja za lotove 9, 11 i 13, koji sada glasi:

„**Lot 9** - budžet za 2022. godinu, organizacioni kod 24030001, ekonomski kod 613400 i kapitalnog budžeta za 2020. godinu, organizacioni kod 24040001, ekonomski kod 821300, pozicija: „Nabavka kancelarijske opreme za namještaj“, šifra projekta: 11239 i pozicija: „Nabavka kancelarijskog namještaja – ormara, šifra projekta: 11533.

- **Lot 11** - budžet za 2022. godinu, organizacioni kodovi 20050010 i 20050017, ekonomski kod 613400

- **Lot 13** – kapitalni budžet 2021. godine, organizacioni kod 20060004, ekonomski kod 821300, pozicija: „Nabavka fotelja“, šifra projekta: 11646 i budžeta za 2022. godinu, organizacioni kodovi 20060004 i 20060005, ekonomski kod 613400.”

Briše se tekst za izvore finansiranja po lotovima 15 i 18.

Obrazloženje

U provedenom postupku nabavke je donesena odluka o izboru najpovoljnijih ponuđača i komisija za nabavke je uputila poziv najpovoljnijim ponuđačima da pristupe potpisivanju ugovora. Međutim, dopisom br. 57/12 od 23.11.2021. godine, izabrani ponuđač „Masterwood Simić“ d.o.o.- Brčko, je odustao od potpisivanja ugovora za lotove 9 i 15. Osim toga, izabrani ponuđač „Akacija“ d.o.o. Brčko, za lotove 11, 13 i 18 nije dostavio kvalifikacionu dokumentaciju. U skladu sa navedenim, Komisija je uputila dopise drugorangiranim ponuđačima kako bi se izjasnili da li prihvataju da potpišu ugovore za lotove na kojim su bili rangirani kao drugorangirani ponuđači u postupku nabavke. Za lotove 9 i 13, ponuđač „Hafele BH“ d.o.o. Gračanica se izjasnio da prihvata ugovor za te lotove. Drugorangirani ponuđač „Inter – Com“ d.o.o. Zenica nije prihvatio ugovor za lot 11. S obzirom da ovaj ponuđač nije prihvatio ugovor za lot 11, trećerangirani ponuđač na ovom lotu je bio ponuđač „Hafele BH“ d.o.o. Gračanica. Drugorangirani ponuđač „Akacija“ d.o.o. Brčko nije prihvatio potpisivanje ugovora za lot 15. Drugorangirani ponuđač „Larix“ d.o.o. Doboj nije odgovorio na zahtjev ugovornog organa da se izjasni o eventualnom prihvatanju ugovora za lot 18. Nakon navedenih izjašnjenja konstatovano je da su vrijednosti drugorangiranih ponuda za lot 13 i lot 15, kao i vrijednost trećerangirane ponude za lot 18, prelaze procijenjene vrijednosti ugovornog organa. Od Odjeljenja za obrazovanje (lot 13), Direkcije za finansije (lot 15) i Kancelarije za upravljanje javnom imovinom (lot 18) traženo je izjašnjenje o mogućnosti obezbjeđivanja sredstava u vrijednosti ponuda.

Direkcija za finansije (lot 15) i Kancelarija za upravljanje javnom imovinom (lot 18) su se izjasnili da nemaju sredstva za realizaciju ugovora u skladu sa navedenim, dok se Odjeljenje za obrazovanje izjasnilo da će obezbijediti dodatna sredstva za lot 13.

Takođe, zbog izmjene Pravilnika o računovodstvu i finansijskom izvještavanju Odjeljenje za javne poslove i Odjeljenje za obrazovanje su dostavili dopise u kojima se navode novi izvori finansiranja za lotove 9, 11 i 13.

S obzirom na navedeno, Komisija za nabavke je dostavila preporuku o poništenju postupka nabavke za lotove 15 i 18 i u skladu sa kriterijem najniže cijene dostavila preporuku o izboru najpovoljnijeg ponuđača za lotove 9, 11 i 13, tako da je bilo neophodno izvršiti izmjenu i dopunu odluke o izboru najpovoljnijih ponuđača kako bi se stvorili uslovi za potpisivanje ugovora za navedene lotove..

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Odjeljenju za obrazovanje,
5. Kancelariji za upravljanje javnom imovinom,
6. Direkciji za finansije,
7. Odjeljenju za javne poslove,
8. «Službenom glasniku Brčko distrikta BiH»,
9. Arhivi.

